

欽定古今圖書集成

方輿彙編職方典



欽定古今圖書集成方輿彙編職方典

第七百六十一卷目錄

揚州府部彙考九

揚州府祠廟考二

府志未詳祠廟
寺觀附

職方典第七百六十一卷

揚州府部彙考九

揚州府祠廟考二 府志未詳祠廟

江都縣志

深仁祠 在大東門外瓊花觀內西隅明嘉靖

年間建

歐陽文忠公祠 在舊城今廢

紀忠廟 在舊城雍熙院西

神醫廟 在府治南太平橋下漢末華佗神于

醫揚人祀焉

五顯司徒廟 凡二一在城西北平山堂右一在東水關內按搜神記五神異姓茅許祝蔣吳也

儀真縣志

四賢祠 舊在州學東宋嘉定九年郡守李道傳繪濂溪明道伊川晦庵四先生像以祀今廢
恭愛王廟 在陳公塘漢廣陵太守陳登祠也
宋熙寧五年冬建

唐總轄廟 在陳公塘側宋嘉定十二年運判兼州守方信孺建祀義武民兵總轄唐璟今廢
吳知郡祠 在資福寺西宮宋嘉定十五年知州吳機建此以祀前守洪機叔今廢
泰興縣志

姚令生祠 在通濟門內明嘉靖三十四年姚令邦材築城禦寇民爲立祠

許令生祠 在阜成門內明隆慶元年許令希孟量田有惠政民爲立祠

高郵州志

四賢祠 在文游臺上祀宋蘇軾孫覺王鞏秦觀有司以羊豕春秋二仲祀之

唐公遺愛祠 在南門外一里明嘉靖二十五

年郵民建祀都御史唐龍後增祀工部尙書揚

州知府蔣瑤按察副使高郵知州毛實長史高

郵知州謝在

青山馬神廟 在黃林西村橫塘溝明洪武十

九年鄉民張宏善立

都土地廟 在新城遐觀橋南巷內今被水漂

沒

三皇廟 在州治西角明洪武二十九年革除

或曰西察院卽其址也

關王廟 在北門越城內明嘉靖三十年千戶

李芬簡修建

白馬廟 在查家店其神卽漢秣陵尉蔣忠烈

也唐宋相延香火甚盛今廢于水

八蜡廟 在州治東北海子河邊今毀神主祀

土地祠

邵公祠 在州治東

七賢祠 在南河公署西祀前朝水部清廉有

功德于地方者七人黃曰謹何慶元李之藻徐

待聘彭期生徐標葉應震

興化縣志

東嶽廟 在字橋里

關侯廟 在來范里一在西營一鋪一在北門

外司徒里皆名小關王廟舊在陵亭鎮者廢

華神廟 在中營二鋪額云漢孝廉華元化先

生祠

火星廟 二一在司徒里一在滄浪里

八蜡廟 在滄浪里

老祖廟 在勝湖里龍舌津上

白馬將軍廟 二一在毓英里一在下佃去縣

治二里祀蔣子文

上真廟 在龍舌津上

祖師廟 二一在東營一鋪一在司徒里火星

廟後即元武臺故蹟

白龍廟 二一在司徒里一在縣東三十里湖

東口

晏公廟 在龍舌津上

都天廟 即八蜡廟地康熙年間建

郭將軍廟 在陵亭久廢

金吾將軍廟 在縣北四十里久廢

蘇尚書廟 在陵亭久廢

蘇泰廟 在橫涇河久廢

古土地祠 在廣福里土地祠惟此為最古

胡公祠 在昇仙里祀知縣胡順華舊額文明

書院

歐劉祠 在來范里祀知縣歐陽東鳳署縣事

劉士璟

李公祠 在歐劉祠東祀知縣李戴

凌公祠 在文林里文會堂內祀知縣凌登瀛

翁公祠 在開元宮側祀知縣翁汝進

楊公祠 在滄浪里祀知縣楊澗

陳公祠 在來范里祀知縣陳宇卽今鄉約所

李公祠 在文會堂左祀知縣李懋芳

邊公祠 在滄浪里祀知縣邊之靖

張公祠 初卽觀德亭爲祠祀教諭張養性後

闢射圃移祠于亭北今在教諭宅內

陳公祠 育嬰堂內祀知縣陳洪諫

奮忠祠 在滄浪里祀指揮僉事成諧一名致

身馬革祠

宗公祠 在百花洲上祀提學副使宗臣

韓公祠 在字橋里祀韓貞先生知縣凌登瀛

建

三貞祠 舊在南津里今移昇仙里初祀劉仲

二烈女名雙貞祠後益以李節孝更今名

五顯祠 在來范里改建關侯廟置小祠于廟

門西

張相公祠 在迎恩里寶嚴寺西

康相公祠 在昇仙里

昭德祠 在儲秀里祀明經徐熺知縣陳起鵬

建

四義樓 在勝湖里祀宋武功大夫張榮暨賈

虎孟威鄭握

寶應縣志

范文正公祠 在縣治東

文丞相祠 在縣治東十八里軍師莊以丞相

曾督師過此因建祠祀焉

李襄敏祠 祀都御史李遂明嘉靖時殲倭寇

城寶應城民恃以安感其德建生祠于西門內

後雩都李涑令寶應請于督學御史列諸祀典
春秋祭焉

劉公祠 在西城內祀海防御史劉景韶以其
城寶應城禦倭寇民賴以安故感其惠爲建生
祠以知府石茂華知縣蔣遵正配焉

崇報祠 在弘濟河北祀工部尚書楊兆巡撫
都御史李世達王廷瞻巡按御史馬允登巡鹽
御史蔡時鼎給事中陳大科南河郎中許應達
刑部主事羅用敬中河郎中陳瑛海防副使舒

大猷徐州副使莫與齊漕儲參政馮敏功報開越河之功也

應公祠 在北堤上祀管河工部應存性

姜公祠 在泰山殿祀海防參政姜廷頤

聞人公祠 在北門外祀知縣聞人詮

李公祠 在泰山殿西改建皇華亭北祀知縣

李瓚

李公祠 原在北書院今併泰山殿內祀知縣

李涑

耿公祠 在弘濟河北閘上關王廟右祀知縣

耿隨龍

劉公祠 在南門外祀知縣劉達

烈女祠 祀烈女戚家婦

秦州志

泰山廟 在州治西

祠山廟 在州治東

靈濟龍王廟 在州治西北五里相傳昔有游

龍自仇湖東居郭太保潭祈禱輒應會運河決

宋守王揚英以禱神蜿蜒水面河尋塞又宋淳熙十一年守萬鍾因五六月大旱用皇祐法設壇刑鵝以祭甘霖隨之歲大稔明年三月詔封敷澤侯勅海陵建廟春秋致祭

馬神廟 在州治東乃馬廠之神

金龍四大王廟 在北門外西壩口

火星廟

東嶽廟 在西門內經武橋西

韋龍將軍廟 在港口鎮南

白馬將軍廟 在州治北四里即漢秣陵尉蔣子文祠子文一身青骨自謂死當為神嘗乘白馬故土人稱之云

八蜡廟 在南門外明萬曆四十六年守崔國裕建

崇儒祠 在光孝寺右祀名儒王良

儲文懿祠 在光孝寺東明萬曆四十六年建

報德祠 在州治南祀海道劉景韶

熊兵憲祠 在海道東為熊尚文建

鄭公祠 在州治東南爲兵憲鄭一陽建

愍義祠 在州治南明萬曆二十三年爲劉啓

衷丘啓賢李邦相李邦翰劉充道方士元六生

溺死于淮建

如臯縣志

文昌閣 在儒學東南城上明嘉靖二十八年

知縣童蒙古建歲春秋仲月上戊日致祭

馬神廟 舊在府館西明嘉靖三十八年知縣

陳道建今移入申明亭

范公祠 在掘港祀宋范文正公

王學士祠 在定惠寺後祀宋龍圖閣學士王

覲明嘉靖三年知縣梁喬升建

文丞相祠 在王祠右祀宋丞相文天祥明嘉

靖十九年知縣黎堯勳建後廢

報功祠 在北關外知縣李衷純建合祀范文

正公仲淹鄭端簡公曉

劉公祠 在察院東祀海防副使劉景韶

丘公祠 在察院東祀死倭難叅將丘陞歲春

秋二仲上巳日致祭

遺愛祠 在察院東祀知縣唐邦佐鄭人達劉

貞一嵇鑑今廢

許忠愍祠 順治十二年建

通州志

都天堂 在城隍廟內

土地祠 四一在州治內事友堂後一在所廳

內一在惠民坊一在利民坊其在望江樓外者

謂之都土地祠

東嶽廟 二一在州治南門外唐大順二年建

宋靖康中罹兵燹紹興中郡守錢濬明重建嘉

靖甲寅燬於倭辛酉知州馮九韶重建

皇清順治中營卒蔡龍棄妻子出家募修郡人更為

之建閣一在石港鎮唐咸通中建

真武廟 五一在州治北城上宋政和中知州

郭凝建一在州西南隅舊名真慶觀宋太平興

國五年建一在石港鎮宋咸淳中建一在呂四

場一在西亭場

龍王廟 一在東門外二里明洪武十一年建
一在西門外永樂十八年知州嚴敦大建嘉靖
甲寅燬於倭甲子復建

皇清康熙五年遊擊薛保重修

白龍王廟 在州西北十五里明洪武十七年
建嘉靖中郡人凌極重建

五顯廟 二一在州西北宋開慶中建一在南
門外望仙橋西北咸淳中建

天王廟 二一在州東南元妙觀東一在綿繡

坊北俱宋太平興國五年建

晏公廟 十所在十營明永樂二年千戶姜榮
建內一在西北千戶秦待恩重建

通利公廟 在澗橋北

藥王廟 明萬曆四十一年郡人陳實功建

關王廟 一在州治西唐天寶五年建一在州

治西南宋太平興國五年建明弘治間千戶王
舜臣拓地改建一在總鎮府東

皇清順治十五年總兵鮑虎建三在三門甕城內二

在西南甕城外一在南門營府二在東門外一
在大教場一在花竈路張鏞與僧明道建二在
狼山總兵馮武卿修康熙十一年總鎮諾邁重
修施田以為香火計一在十里坊一在河口二
在三十里三在縣治一在石港餘不悉載

張仙廟 在海門

上真廟 在清幹鄉明洪武中建

貂貔廟 在縣治東

火星廟 一在天寧寺一在南門口一在城隍

廟

祠山廟 在天寧寺

碧霞行祠 二俗呼為奶奶廟一在城北鍾秀

山一在白蒲鎮

王靈官祠 在狼山

三仙祠 在狼山

崇賢祠 在天寧寺內舊為海邦遺愛祠判官

史立模建祀范文正公岳武穆明隆慶四年郡

人陳堯重修萬曆二十年知州馬有慶增祀胡

文定文信改稱四賢祠

皇清順治中郡人范鳳翼重修康熙十二年知州王

宜亨重修

劉公祠 在察院左祀都御史劉景韶後改爲

府館

王公祠 在南門外教場東改祀總兵王繼祖

王揚德

福公祠 祀知州福文明

周公祠 祀知州周長應

顧公祠 在城隍廟右祀郡人顧國寶

唐公祠 在西門長壩祀知州唐虞泰

彭公祠 在鹽倉壩爲知州彭士聖立

王公祠 在沈家原爲知州王宜亨立

茅公祠 爲總兵茅生蕙立

柳公祠 爲總鎮柳同春立

曹義勇祠 在山路關王廟內祀曹頂

殷節婦祠 在山路

寺觀附

府志

本府

江都縣附郭

天寧寺 在府城大東門外東晉時有梵僧佛
馱跋陀羅來此譯經多著神異時右衛將軍褚
叔度特往建業請謝太傅安捨別墅建寺焉宋
時孚禪師在寺聞鼓角聲悟道作頌曰三十年
前未遇時一聲鼓角一聲悲如今枕底無閒夢
大小梅花一任吹又傳柳毅捨宅爲寺寺有柳
長者像元末寺廢明洪武十五年設僧綱司於
此僧道彝重建

法雲寺 在府城大東門外運司前晉謝安領
揚州出鎮廣陵建宅於此後移居新城其姑謝
氏就宅爲尼寺名法雲安所植雙檜唐時尚存
張祐溫庭筠俱有詩

石塔寺 寺舊爲蒙因顯慶禪院本慧照寺唐
乾元中名木蘭院王播少孤貧客木蘭院隨僧
齋粥僧厭苦之飯後擊鐘播題詩曰上堂已了
各西東慚愧闍黎飯後鐘後二紀播出鎮揚州
向所題已碧紗籠矣播續云三十年前塵土面

如今始得碧紗籠

西方寺 在府西北四望亭北唐永貞年間建明洪武五年僧普德重修

旌忠寺 在府治東南相傳卽梁昭明太子文選樓遺址陳太建間僧顓公改爲寂照院宋隆興間改功德院崇祀鄂忠武王岳飛咸淳間賜今名李穎寓旌忠寺詩此地真蕭寺相傳文選樓棲禪教夢穩借榻愛鐘幽僧熟常留鑰茶香獨洗甌不知門外路歌吹日悠悠

興教寺 在大東門外瓊花觀南宋淳化間僧智恢建明永樂間僧深信建千佛閣彭繩韶再到興教寺詩再扣禪扉花影重相逢老衲款從容舊題不用紗籠壁當日原無飯後鐘

藏經院 在新城地藏庵西法僧宗理建明萬曆間太監魯保請藏經願寺賜額萬壽有碑天啓間僧鎮滿建毘盧閣戒臺於後有翰林姚思孝碑文

地藏庵 在地藏院東宛虹橋西僧然顯修

太平寺 在城南揚子橋唐貞觀間建明嘉靖間僧圓早修

東隱庵 在新城興教寺旁

廣蔭庵 在新城蔣家橋明萬曆間僧性融建

寶樹林 康熙元年僧智光建

建隆寺 舊在城西二十里西華臺按宋太祖

親征李重進以御營建寺所御之榻留焉後有僧建殿崇奉名彰武殿請降御容瞻仰景德二年命中使前往安奉朔望州郡率官寮朝禮王

禹偁郭玉俱爲之記建炎初寺廢嘉熙三年更剏於壽寧街今天寧寺後寶祐間賈似道鎮揚州復新彰武殿重葺其寺明洪武間僧行堅重建

大明寺 在縣西北五里卽古栖靈寺又曰西寺以其在隋宮西故名寺枕蜀岡舊有塔大觀圖經云隋文帝仁壽元年以誕辰詔海內清淨處立塔二十所此其一也後以燬廢明天順間復建

鐵佛寺 在縣東北大儀鄉相傳卽二十四橋故址本唐楊行密故宅捨宅名光孝院宋建隆間鑄鐵佛於此因名殿後有雙檜宋元間物上竦無枝取其皮藝之如沉香

上方禪智寺 在縣東大儀鄉一名竹西寺寺側有蜀井按明魏尚書驥上方寺碑記云煬帝嘗夢夜遊兜率天宮聽彌勒佛說法旣寤遂以離宮施爲寺魏記在洪武間記寺蹟甚詳萬曆四年運司崔孔昕重修魏碑廢爲砌石矣

皇清初兵火盡成瓦礫止一殿歸然順治十七年商人汪灌募建山門宋蘇軾蜀岡送李孝博詩碑在上方寺斷仆已久元楊維禎猶及見其墨澤寶勝寺 在縣南楊子橋唐貞觀間建後爲江水坍沒明指揮李鎧僧太虛遷於城東三里棘林寺

山光寺 在灣頭鎮前臨漕河隋大業間建先爲煬帝北宮筮得山火賁卦惡之以宮爲寺因名山火後改名山光內有九院今并廢唐張祐

詩人生只合揚州死禪智山光好墓田宋王觀
詩不須談賁卦興廢古今同卽此天禧間改爲
勝果寺僧請舊額更建於縣東南第三港沙河
岸側今歸併壽安寺

壽安寺 一在府東南舊馬監巷宋景定間建
一在縣西北三里大儀鄉宋紹興間建

法海寺 在縣西北三里善應鄉元至元間建
皇清順治間郡人趙有成建轉輪塔於旁

清涼寺 在府城南二里善應鄉唐大曆間建

惠照寺 在縣北三里大儀鄉唐景龍間建

南來觀音寺 在府城小東門外舊城東南隅

宋景德年間建

圓通寺 在縣東北二里官河西岸卽北來寺

宋乾道間建

廣福寺 在縣東三里第二港元大德間建

救生寺 在縣東五里第二港宋治平間建

觀音寺 有二一在府治西元大德十年建一

在縣東六十里歸仁鄉亦大德間建其在府治

西者

皇清順治十七年僧元得重修大殿後建廣嗣樓五
間

觀音寺 在縣西北七里大儀鄉元至元間建

一名功德山卽隋迷樓及古摘星亭故址俗名

觀音閣

禮拜寺 在府東太平橋北宋德祐間西域僧

補好丁建

文峯寺 在城二里官河南岸明萬曆十年知

府虞德華建浮圖於此住持僧真玉因建寺以
文峯名王世貞爲之記

善慶庵 在縣南門外三里明萬曆間僧寂楞
建

護國庵 在縣東關外河岸側明崇禎八年建

北大同寺 在大橋鎮南袁家灣宋淳熙二年

建明成化間住持僧守能奉召入京命建國齋

賜紫衣寺有遺像尚存

釋迦院 在縣東北邵伯鎮卽寶公寺宋元祐

五年建

法華寺 卽來鶴寺在縣東北邵伯鎮羅公祠

東晉末康間建相傳寺有銅鐘重千斤蘇軾爲

之銘

梵行寺 在縣東北邵伯鎮晉寧康三年建明

洪武初僧妙用遷於本鎮惠政橋西嘉靖八年

賜額宋蘇子瞻有梵行禪院山茶詩山茶相對

阿誰栽細雨無人我獨來說向與渠渠不會爛

紅如火雪中開

天王寺 在縣南十五里揚子橋西唐貞觀間

建

北興教寺 在縣西北廢堡城內宋寶元間建

唐杜佑爲揚州處置使有題名八角石柱留寺

內後沒於池中明成化十六年因旱池涸好事

者取以摩搨損蝕過半矣

西方寺 在瓜洲十四坊久廢明嘉靖十四年

僧海洋重建

棘林寺 在縣南瓜洲鎮新壩宋咸淳間建

嵩山寺 在縣南瓜洲鎮

投子禪寺 在縣北宜陵鎮宋開寶間建明洪

武八年僧可臻重建投子禪師有語錄

甘泉山寺 在縣西甘泉山一名慧照寺唐開

成二年建

普慈庵 在新城內洗馬橋西舊燬於火明隆

慶間重建

開元寺 在府城東五十里順治十八年遷建

於傅李橋

蕃釐觀 在府城大東門外卽古后土祠漢成

帝元延二年建宋政和間賜今額明宣德年間

郡守韓弘增修吏部尚書魏驥有記萬曆二十

年郡守吳秀創玉皇閣於三清殿後當后土祠

遺址舊有瓊花一株相傳世無此種宋歐陽修

守郡作無雙亭覆之俗因呼瓊花觀

浮山觀 在城內石塔寺東卽禹王廟宋嘉泰

年間建

皇清康熙十年閔象南重修置亭於浮山昔人有詩

石塔香燈古寺隈居民誰問禹宮頽惟餘一片
浮山石曾見平成天地來

佑聖寺 一在府城外運司巷內明洪武八年
建一在邵伯鎮元至正間建

明真觀 在縣城東南隅壽安寺東元道士周
源宏建

元帝觀 在小東門內宋皇慶間建

天寶觀 在郡南門外運河東明萬曆十六年
建

玉皇閣 在瓜洲東關外康熙十三年郡人程
宜生建令僧聞心住持

元真院 在縣南瓜洲鎮宋咸淳間道士龔秋
建

儀真縣

天寧萬壽寺 在縣南澄江橋西始唐景龍三
年泗州僧建佛塔七級創永和庵於塔後宋崇
寧中賜名報恩光孝禪寺政和中改天寧禪院
後有楞伽庵蘇子瞻嘗於此寫經故名西有井

名慧日泉南渡後迭經兵火寺塔俱燬明洪武間重修增飾重門巋然叢林之勝

崇福院 在縣長蘆江口宋天聖初詔儀真守陳杲與發運使張綸方仲旬建寺遣內侍齎御物金器助之凡費金四萬緡錢三千萬五年始落成勅龍圖學士李淑撰碑章獻太后時歲度僧七人置小舟以救沉覆之患今廢宋劉攽詩越舫吳舸倚萬橈祇園金刹起中霄卽此

乾明寺 本唐大雲請雨寺宋改今名舊有星

居院十所及石浮圖宣和中更爲神霄宮後移寺城北隅乾道間守張郟奏請賜額

資福寺 在縣東宋政和間卽儒學舊址建景暘遊資福寺詩江城入長夏物色碧空同漢靜浮蘭槩林深暗綺櫳燕歸僧舍雨幡動石壇風久住慚元度相依有遠公

崇因末慶寺 在縣北五里宋靖康初丞相吳敏請爲功德院後徙城內元大德間徙還故地明洪武間重建名北山寺後廢

皇清順治間知縣劉宗孟重修

禪惠寺 在縣北二十里漢廣陵太守陳登建
先因白黑二鼉立寺塘上號曰鼉淙宋治平中
更禪惠今廢

梵天寺 在縣西方山上梁天監中梵僧建號
興雲寺宋治平中賜額梵天後經兵燹毀廢明
洪武中僧道成重建後併入法雲寺永樂初復
興今廢

禪證寺 在橫山梁天監中建號太子寺世傳

昭明讀書堂唐咸通中僧神堅以堂爲太子院
今廢

法義院 在靈巖山唐長慶中號靈巖寺僧神
建受法于四祖有逢巖卽止之語遂建道場於
此叔孫矩有碑宋治平中更今名

法雲寺 唐景雲間建名慶雲寺在胥浦之西
宋元豐間有僧秀鐵面者相繼創之治平中改
法雲寺額再遷城西明洪武初僧永滿遷於三
堰中衢

水月寺 在蛾眉山松柏萬株地最幽勝相傳明洪武間有異僧口鼻出火自化於此

地藏寺 在新城汧河北宋建炎間僧肇海建爲水村幽閭之處後圯明天啓間重修蔣山卿過地藏寺詩野寺荒涼客倦登水烟山靄暮層層月明猶記畱神榻日落空憐見佛燈院裏棲松無老鶴門前掃葉有閒僧所嗟幻界今如此人世茫茫那可憑

山光寺 在縣東南十五里宋淳祐間建

西方寺 在縣東二十里宋淳祐初僧祖義建後沒於江明崇禎間太學生汪鉞於新城鎮東二里建屋六間仍以西方名之

隆覺寺 在縣東三十里朴樹灣運河北宋淳祐間僧大惠建後廢明景泰間重修都御史張楷撰記

壽寧寺 在三都明爲太僕寺馬場莊

儀真觀 在縣西十里宋時範四金像於此旣成卽其地建儀真觀繼賜額加天慶其上政和

間詔分天慶儀真爲二觀別創天慶觀於州城而儀真觀或稱爲西宮觀今廢張舜民題儀真觀詩聞說仙鄉卽瀨鄉閒遊詩侶禮虛皇三朝寶派通胥浦萬葉靈杉蔽蜀岡天地杳冥供寫像江山回合助靈祥五雲送入蓬萊島留與人間作道場

通真萬壽宮 在縣東南十五里元大德間雷希復建有記今頽圯非舊矣
泰興縣

廣福寺 在縣東南唐永徽五年建

慶雲寺 在縣城南慶延鋪宋咸平年建邑駙

馬蔡夢祥所施宅也

建安寺 梁天監四年建因江坍今遷大西門郭家莊南改名靈雲庵

壽勝寺 在口岸鎮宋淳熙十年建

延祐觀 在縣東南唐開元四年建

萬壽觀 在縣東南唐開元四年建

放生庵 在北門城外明萬曆間建中有放生

池鄧漢儀宿放生庵詩困頓來江縣幽棲得此
中長橋穿竹路層水抱花宮雪氣春猶凍魚聲
夜自風虛堂噉粥罷半偈問支公

法輪庵 在縣小西門外葫蘆灣順治六年勅
建

永福庵 順治六年居民建於官沙殿東

竹隱庵 在口岸鎮鄧漢儀宿竹隱庵詩結伴
衝泥積雪餘支筇昏黑到精廬十年江海銷金
柝滿院松篁冷木魚却掃繩牀留旅客更開香

積剪園蔬好來嶽廟瞻遺像此地曾經繞戰旗

高郵州

天王寺 在州治北新城遐觀橋東宋淳熙間

建明洪武元年僧諸全增修殿高十丈深廣稱
是其木殖盡皆異材覆以琉璃最爲精巧江北
無與爲比一方之巨刹也嘉靖三十六年爲倭
寇所燬香聞數十里火三日不滅今漸興復寺
內有吳道子觀音像極莊嚴被盜竊去渡江病
作夜夢大士斥曰汝送我還郵當不死盜懼復

送還

承天大梵寺 在州治北新城多寶樓橋西元

至元間建

光福寺 在州東三梁鎮宋淳熙間僧海雲建

安樂寺 在州東九十里臨澤鎮

張墩寺 在州西四十里塘下村

光孝寺 在州舊城西南隅有斷塔為唐舉直

禪師所建浮圖宋陳造有光孝寺建佛殿疏

華嚴寺 在州南三里焦里村宋淳熙間僧諸

千建明末兵燬

皇清康熙間郡人孫宗彝葺治合寺南甘露庵為叢

林

永興寺 在州北六十里界首鎮宋僧如海建

羅漢寺 在州北九十里

寶慶寺 在州治三梁南

河院寺 在州西南武安湖濱舊傳湖旁常有

光夜燭天居民掘之得一石上鐫河院寺三字

自後不復有光居民因醵金建寺焉

悟空寺 在州治西六十里新安村神居山上
宋初建郵之古刹也

竹林寺 在州治嶽廟後今廢

西安寺 在州治西沛城村

醴泉寺 在州城西南或云即光孝寺因有醴

泉井改名寺宋秦觀有醴泉寺開堂疏

五百羅漢院 在州南八里焦里村宋僧諸千

建一名華龍寺

保安院 在州東北一百二十里元至元間僧

湛公建

慈氏院 在州東北五十里眉陳村

前講院 在州治眉陳村

興化縣

定慈寺 在縣治西唐開元間建

東廣福寺 在縣治西唐大順間建

西寶嚴寺 在縣治西唐大順間建

時思寺 在縣治東門外宋慶曆間建

木塔寺 在縣治東鄉有古黃梅一株以花之

東西盛衰兆上下河田豐歉

地藏寺 在縣南門外

崇福寺 在縣東七十里唐太和間建

乾明寺 在縣北宋乾道間建

羅漢寺 在縣東七十里唐元和間建

觀音寺 在縣東北八十里

開元觀 在縣大街唐開元間建

四聖觀 在縣治東大街

玉虛觀 在縣治南門

三清觀 在縣治西門外

觀音閣 在縣治北門外

玉皇閣 在縣治北門外

寶應縣

齊興寺 在縣治西八十里南唐保大四年建

宋乾德四年賜額內有梁武帝讀書臺

真如寺 在縣南一百步唐上元中尼真如得

寶於此

觀音寺 在縣治西二十里

寧國寺 在縣治東唐貞觀十一年建

唐興寺 在寧國寺西唐元和五年建

靈芝寺 在孝義鄉宋紹定間因產芝建

蘭亭寺 在縣東南八十里王野鄉宋元祐中

建左參政葉贄撰碑記

護國院 在縣西南七十里侯村鄉南唐保大

十二年建

蜺墟院 在縣東北四十里永寧鄉唐太和八

年建有塔高二丈餘楊啓芳蜺墟院詩珍重山

僧兩度招入門塵慮已全消倚風自覺寒猶峭

探樹懸知煖尚遙趨院流鶯春黯黯隨潮暗月

夜寥寥浮生勞擾誰非夢一榻閒雲臥正高

甫里院 在西南七十里侯村鄉唐天祐四年

建屹立湖中望之如孤嶼可登眺相傳水溢則

寺浮

天宮慈院 在縣東南六十里三阿鄉宋政和

間建

龍竿院 在縣東八十里三阿鄉唐名文殊院

僧德觀建大曆十年有竹成龍形改賜今額明
洪武十四年歸併寧國寺

碧霞宮 明嘉靖四十年建殿宇弘敞傑然巨
觀

泰州

萬壽報恩光孝寺 在州治西晉義熙年間覺
禪師初建宋崇寧二年賜崇寧萬壽寺額政和
元年改天寧萬壽寺紹興八年以徽宗道場賜
今名毀於兵至紹熙中僧德範重建寶章閣待

制陸游有記

南山寺 在州治南唐乾符三年建宋治平元
年改資福禪院政和七年改神霄玉清萬壽宮
建炎元年復名資福禪寺

開化寺 在州城北二里即今北山寺唐大曆
元年建舊有浮圖崇二百尺宋建炎燬於兵寺
後井水甘冽異常

西山報國寺 在州西南舊名報國庵誌師從
天竺飛錫至此改建為寺

東山寺 在州東門外舊名東山常樂教寺唐
大中間建

廣福教寺 在州東海安鎮宋景定間建

護國寺 在州北七十五里戴家澤

景德寺 在州北六十里茅山莊宋景德間建

岱嶽寺 在州姜堰鎮宋至和年建

淨業禪寺 在州姜堰鎮舊名彌勒教院晉義

熙間建

旌忠寺 在州北六十里宋建炎間建

羅漢寺 在州治北七十里宋景德間建

寶福寺 在州東北七十里宋嘉定間建

仙源萬壽宮 在州東南本樂真觀梁大同元

年以樂子長故宅為觀在樂真橋唐大中間移

建茲地宋大中祥符元年以天書降詔建天慶

觀以樂真觀為之五年降詔置聖祖殿召道士

徐守信赴闕賜號虛淨沖和先生展修規屋至

五百區大觀元年賜今名建炎遭兵火不存後

內侍李需重建於城東五百步鋪土作基而泥

沙不堅役者病之禱於虛淨像前先一夕主者
夢神翁曰我東南有隙地十畝自可取土詢羽
衆果有之遂更取是土深至七八尺及泉爲池
而土功未已有父老謂曰第休役三日復何患
如其言土果隨取隨增宮畢猶成堆阜時人謂
地神獻土寶慶三年守陳垓立神翁祠扁其堂
曰守雌

大隱觀 在州治譙樓西南宋建炎間海陵人
高先生者捨宅建庵修真得道故觀以大隱名

舊名海鮮觀

水月庵 在州西踞林木之勝內安奉藏經全
部

樂善庵 在州太和橋南兵備道鄭二陽建

放生庵 在州小西湖亦鄭二陽建

如臯縣

廣福寺 在縣治西北唐貞觀中僧智勳建今
爲祝釐道場

中禪寺 在縣治東北唐大中間僧圓就建中

有隱玉齋玉涓井黃應徵詩綠樹丹霞夾水明
娟娟纖月吐高城香臺入夜無人語唯有天風
送笛聲

伏海院 在縣治西北明隆慶六年僧德葵建
水土清佳林樾映帶為城中最勝處

定惠院 在縣治東南宋天禧中僧因惠建明
萬曆間僧惟乾至粵東募造旃檀佛一軀高二
丈餘費踰千金浮海北歸院舊有浮圖十級今
毀

海月寺 在縣西北

靈威觀 在縣西北

舍桴庵 在縣城西北隅僧照榮建

大覺庵 在縣蔣道人建僧上蔭重修

般若庵 僧寂賢建

通州

天寧寺 在州治西北唐咸通間建舊名光孝

明天順元年僧法恩奏改今名

廣教寺 在州治南十八里當狼山之陽下瞰

揚子江唐總章二年建

興國寺 在州南門外東俗呼東寺

興化寺 在州治南澄江門外宋乾道中建

廣惠寺 二一在州利河鎮一在西成鄉俱唐

咸通中建

法寶寺 在州白蒲鎮宋至和中建

豐利寺 在州西北四十里明隆慶中僧福惠

建

普陀別院 在州軍山頂明崇禎元年建

佑聖觀 在州餘東鎮明正統中建

元妙觀 在州東南宋寶慶二年建明洪武間

設道正司於此

籍仙觀 在州南門外教場西周顯德間郡人

顧審建

慶真觀 在州利和鎮宋時建于鎮之河北元

末移建河南今沒於江

千佛寺 在州東門

天妃宮 在州西南明洪武間郡人張景芳建

皇清康熙三年郡人殷茂乾請于有司改建育嬰堂
水月閣 在州南門口明天啓五年郡人范鳳
翼建

碧霞閣 在州北山鎮帥陳璘建

文昌閣 三一在州東門城上一在東壕河明

萬曆二十六年郡人陳大乾建一在文峯塔下

皇清康熙十一年郡人孫閔達修

虛靜庵 在新城蔣家橋祀呂公康熙八年郡

人同建內貯太上感應篇板

拈花庵 在舊城尼上融上徹同建佛像莊嚴

香燈華鬘勝甲一郡

大觀庵 尼道航建苦節貞操熏修此地

三教堂 在西門外廿四橋

水繪庵 如臯冒氏建

真一堂 在南門外康熙六年民人楊日堯張

蕙等捐貲契買民田七畝三分建堂王靜真侍

奉香火施藥放生拾字掩骼禮懺焚修

純一堂 在南門裏都府巷

共清宮 二一在舊城東嶽西祀呂純陽祖師
一在北門外碧天觀右

欽定古今圖書集成方輿彙編職方典

第七百六十二卷目錄

揚州府部彙考十

揚州府驛遞考

揚州府兵制考

職方典第七百六十二卷

揚州府部彙考十

揚州府驛遞考

府志

江都縣

邵伯驛 在縣北四十五里本鎮官河東岸

一等極衝原設馬九十匹今添馬十匹共馬一

百匹每匹日支草料銀八分歲共需銀二千八

百八十兩歲需買馬價銀一千五百兩鞍轡槽

斲鍋桶柴薪燈油藥材鞦鐙鞍屨皮條修理棚

廠等項銀一百八十兩

原設馬夫九十名今添設馬夫十名共一百名
每名日支工食銀四分歲共需銀一千四百四十兩

原設水夫一百名今添水夫六十名共設水夫
一百六十名每名日支工食銀四分歲共需銀
二千三百四兩康熙十年十二月二十日奉

旨裁定於敬陳減差案內實留夫馬工料支應等銀
一萬一千二百九兩今於康熙十年十月二十

日

恩詔內酌復銀二千四十一兩共銀一萬三千二百
五十兩

原設旱夫七十名今添旱夫二十名共九十名
每名日支工食銀四分歲共需銀一千二百九
十六兩

原設廣陵驛支應廩糧銀七百兩今添銀一百
兩共銀八百兩

原設邵伯驛支應廩糧銀三百兩今添銀一百

五十兩共銀四百五十兩

以上歲共需銀一萬三千二百五十兩

邵伯腰站

一等極衝原設馬四十匹每匹日支草料銀八

分歲共需銀一千一百五十二兩歲需買馬銀

六百兩鞍轡槽斲鍋桶柴薪燈油藥材獸醫鞦

鐙皮條修理棚廠等項每匹歲需銀一兩八錢

共銀七十二兩康熙十五年四月十六日奉

旨裁定於敬陳減差案內實畱夫馬工料等銀二千

三百八十八兩今於康熙二十年十二月二十

日

恩詔內酌復銀一十二兩共銀二千四百兩

原設馬夫四十名每名日支工食銀四分歲共

需銀五百七十六兩

以上歲共需銀二千四百兩即在江都縣遞馬

項下支給

儀真縣

水驛 舊為迎鑾驛在縣南一里即建安故驛

儀真衛舊址也明洪武元年春驛丞張中肇建後病其非通衢十三年秋驛丞張讓始請移城外末樂十三年秋驛丞胡清鑑重修後罷省迎鑾遂以其地爲山川壇後改置儀真水驛原額站船十七隻船頭三十人馬頭十六人水夫一百七十人驛站馬十二匹上馬二中馬六下馬四上中下鋪陳八十副今驛圯官居民房水夫一百二十名

二等次衝原設馬二十五匹今添馬五匹又原

調馬二十匹在站外止歸回馬二十匹共馬五十匹每匹日支草料銀八分歲共需銀一千四百四十兩歲需買馬價銀五百兩半年方准報倒鞍轡槽鑿鍋桶燈油藥材并修理棚廠等項每匹需銀一兩八錢共銀九十兩康熙十五年四月十六日奉

旨裁定於敬陳減差案內實留夫馬工料支應等銀二千二百八十七兩五錢又歸回原撥界首站馬二十匹工料等銀一千四十二兩四錢共額

銀三千三百二十九兩九錢於康熙二十年十
二月二十日

恩詔內今酌復銀一千五百四十八兩一錢共額銀
四千八百七十八兩

原設馬夫二十名今添馬夫四名又歸回原調
界首腰站馬夫十六名共馬夫四十名每名日
支工食銀四分歲共支銀五百七十六兩

原設水夫四十名今添水夫四十名共八十名
每名日支工食銀四分歲共需銀一千一百五

十二兩

原設旱夫二十名今添三十名共五十名每名
日支工食銀四分歲共需銀七百二十兩

原設儀真水驛支應廩糧銀二百兩今加銀二
百兩共銀四百兩

以上通共歲需銀四千八百七十八兩
接官廳 在東關河濱明末圯廢

皇清康熙七年邢有亮出貲重建運石築砌河岸官
民舟楫往來稱便

總鋪 在縣門鼓樓西

汧河鋪 在縣東十里

德明鋪 在縣東二十里

朴樹灣鋪 在縣東三十里

曹村鋪 在縣西十里

陡山鋪 在縣西二十里

岳家山鋪 在縣西三十里

褚家堡鋪 在縣西四十里

以上諸鋪各有司吏司兵宋時鋪曰南門鋪東

門鋪北門鋪汧河鋪臘山鋪橫驛鋪曹村鋪太
子港鋪張家店鋪彭家店鋪帳幔鋪西團窩鋪
凡十二

泰興縣 無驛

高郵州

孟城驛 在南門外正廳五間後廳五間庫房

二間廊房十四間馬房十二間前鼓樓三間驛

北驛丞宅一所房十二間夫廠一所六間今廢

一等極衝原設馬七十匹今添馬五匹共馬七

十五匹每匹日支草料銀八分歲共需銀二千一百六十兩歲需買馬銀一千一百二十五兩鞍轡槽鑿鍋桶柴薪燈油藥材鞞鐙皮條修理棚廠等項共銀一百三十五兩康熙十五年四月十六日奉

旨裁定於敬陳減差案內實留夫馬工料支應等銀六千九百九十五兩於康熙二十年十二月二十日

恩詔內酌復銀一千七百二十二兩共額銀八千七

百一十八兩

原設馬夫七十名今添馬夫五名共七十五名每名日支工食銀四分歲共需銀一千八十兩原設水夫一百名今添水夫五十名共一百五十名每名日支工食銀四分歲共需銀二千一百六十兩

原設旱夫四十名今添旱夫三十名共七十名每名日支工食銀四分歲共需銀一千八兩原設孟城驛支應廩糧銀五百兩今添銀一百

兩共銀六百兩

原設界首驛支應廩糧銀三百兩今添銀一百五十兩共銀四百五十兩

以上歲共需銀八千七百一十八兩

界首驛 在城北六十里正廳五間穿堂三間庫房三間鼓樓二間廊房十四間驛丞宅一所房十二間

界首遞運所 在城北六十里官河之西今廢一等極衝原設馬四十匹今歸回儀真原馬二

十匹該站止留馬二十匹議加馬二十匹共馬四十匹每匹日支草料銀八分歲共需銀一千一百五十二兩歲需買馬銀六百兩鞍轡棚廠藥材等項每匹需銀一兩八錢共銀七十二兩康熙十五年四月十六日奉

旨裁定於敬陳減差案內實留儀真縣夫馬工料等銀二千三百八十八兩今於題明事案內歸回儀真馬二十匹工料等銀一千四十二兩四錢該站止留額銀一千三百四十五兩六錢於康

熙二十年十二月二十日

恩詔內酌復銀一千五十四兩四錢共銀二千四百兩

原設馬夫四十名除歸回儀真馬夫一十六名止留馬夫二十四名今加夫一十六名共四十四名每名日支工食銀四分歲共需銀五百七十六兩

以上歲共需銀二千四百兩查此站原係儀真縣遞馬調撥在站接遞因奉部文一應調協應

自康熙二十一年正月初一日起撤回已經歸回儀真縣馬二十匹仍撥在站馬二十匹再加馬二十四匹共足四十四匹之數其所需工料應分歸高寶二州縣各半喂養但該州縣本屬錢糧每年災蠲實徵無幾致資撥補周折今議將所需工料錢糧每年在於揚屬解司裁站銀內撥給造入奏銷理合登明

興化縣 無驛

寶應縣

安平驛 在縣治北門外街西明洪武元年驛丞程子溥建永樂十三年主簿牛順奉文重建正廳五間後廳五間過堂三間東廂房七間庫房三間鼓樓三間馬房三間水亭一間知縣聞人詮重修

一等極衝原設馬七十匹今加馬五匹共馬七十五匹每匹日支草料銀八分歲共需銀二千一百六十兩歲需買馬銀一千一百二十五兩鞍轡槽斲鍋桶柴薪燈油藥材鞦鐙皮條修理

棚廠等項共銀一百三十五兩於康熙十五年四月十六日奉

旨裁定於敬陳減差案內實留夫馬工料支應等銀六千六百九十五兩於康熙二十年十二月二十日

恩詔內酌復銀一千五百七十三兩共額銀八千二百六十八兩

原設馬夫七十名今添馬夫五名共七十五名每名日支工食銀四分歲共需銀一千八十兩

原設水夫一百名今添設水夫五十名共一百五十名每名日支工食銀四分歲共需銀二千一百六十兩

原設旱夫四十名今添旱夫三十名共七十名每名日支工食銀四分歲需銀一千八兩

原設安平驛支應廩糧銀五百兩今添銀一百兩共銀六百兩

以上歲共需銀八千二百六十八兩

接官廳三間 原在西門外皇華鋪今移建南

湖鋪

鋪舍 凡九座明洪武八年知縣戚順建二十

一年知縣康紹定重修每鋪正房三間左右廂

房各三間郵亭一間惟總鋪尚存餘俱廢

總鋪 在縣治前

白馬鋪 在縣北十里

黃浦鋪 在縣北二十里

白田鋪 在縣南十里

槐樓鋪 在縣南二十里

瓦甸鋪 在縣南三十里

汜水鋪 在縣南四十里

扛橋鋪 在縣南五十里

子嬰鋪 在縣南六十里

泰州

吳陵驛 明洪武元年太守張遇林建于州治

之西後驛革正統十二年同知王思旻移建于

州治前稍東置爲府館

南門館驛 在州治南迎恩門外宋名海春館

紹熙元年守陳垓创建于南門外橋西元末兵

燹無存明洪武元年守張遇林復建于南門河

側末樂九年守劉景文修又圯成化年間守左

輔重建二十一年守彭福以往來舟次不便捷

建濟川橋西

三等稍衝原設馬二匹今添馬三匹共馬五匹

每匹日支草料銀八分歲共需銀一百四十四

兩歲需買馬銀二十五兩三年方准報倒槽斵

鍋桶柴薪修理棚廠燈油藥材鞍屐鞦鐙皮條

等項銀七兩五錢康熙十五年四月十六日奉旨裁定於敬陳減差案內實留夫馬工料等項歲需銀七十八兩四錢於康熙二十年十二月二十日

恩詔內今酌加銀一百三十兩五錢共銀二百八兩九錢

原設馬夫一名今添二名共三名每名日支工食銀三分歲共需銀三十二兩四錢以上通共歲需銀二百八兩九錢

急遞鋪一十五處 每鋪官廳三間郵亭一座左右房三間外門一間惟總鋪存餘俱廢如阜縣

皇華亭 在北門外知縣盧縱重修

三等稍衝原設馬二匹今添馬三匹共馬五匹每匹日支草料銀八分歲共需銀一百四十四兩歲需買馬價銀二十五兩三年方准報倒鞍轡槽鑿鍋桶柴薪燈油等項共銀七兩五錢康熙十五年四月十六日奉

旨裁定於敬陳減差案內實留夫馬工料等銀七十
八兩四錢今於康熙二十年十二月二十日

恩詔內酌復銀一百三十兩五錢共銀二百八兩九
錢

原設馬夫一名今添二名共三名每名日支工
食銀三分歲共需銀三十二兩四錢

以上通共歲需銀二百八兩九錢
急遞鋪十一所 各設官廳郵亭廂屋門垣歲

編鋪司各三名共三十三名

縣前總鋪 丘家莊鋪 孫公店鋪

葛家溪鋪 以上北遞泰州

邗溝鋪 東陳鋪 蔣婆鋪

丁堰鋪 劉師鋪 林梓鋪

白蒲鋪 以上東南遞通州

通州

三等稍衝原設馬二匹今添馬三匹共馬五匹
每匹日支草料銀八分歲共需銀一百四十四
兩歲需馬價銀二十五兩三年方准報倒鞍轡

槽鑿鍋桶柴薪燈油等項共銀七兩五錢康熙十五年四月十六日奉

旨裁定於敬陳減差案內實留夫馬工料等項銀七十八兩四錢於康熙二十年十二月二十日

恩詔內酌復銀一百三十兩五錢共銀二百八兩九錢

原設馬夫一名今添二名共三名每名日支工食銀三分歲共需銀三十二兩四錢以上通共歲需銀二百八兩九錢

通州總鋪 在州治譙樓前

界溝鋪 在州東十里

王竈港鋪 在州東二十里

丘竈港鋪 在州東三十里

瞿竈港鋪 在州東四十里

利河鎮鋪 在州東五十里

歐家坊鋪 在州西十里

笕家堡鋪 在州西二十里

馬塘鋪 在州西三十里

王家莊鋪 在州西四十里

李家港鋪 在州西五十里

以上鋪俱明洪武七年知州熊春建永樂以後知州黃宜鄭重傳錦蔣孔陽相繼修鋪各有廳有廂有門有垣司兵守之

巡警民鋪十一所 東南隅二東北隅二南隅

二西北隅五

海門總鋪 在縣治東

新寨鋪 在縣西十里

三遷鋪 在縣東三十里

新橋鋪 在縣東五十里

沈家鋪 在縣東七十里

舊縣鋪 在縣東九十里

巡警鋪四 東廂一西廂一南廂一北廂一

揚州府兵制考

府志

本府

安慶營 順治初年設立總兵鎮守四年改設副將七年副將改移潛山操江巡撫駐鎮安慶康熙元年操江歸併總督將本營改設遊擊五年復今制統轄沿江遊奇瓜洲等營副將一員中軍守備一員右營守備一員千總二員把總四員馬戰兵三十六名步戰兵四百四十四名守兵四百八十名戰馬三十六匹唬船二十七

隻

奇兵營 順治初年額設隨操撫赴皖駐防改
為太平右營十六年調赴瓜洲因寇警潰散總
督委官招徠復設康熙元年歸併總督今循其
制遊擊一員中軍守備一員千總二員把總三
員馬戰兵一十七名步戰兵一百四十二名守
兵六百九名戰馬一十七匹官自備馬一十匹
唬船三十三隻

瓜洲營 順治二年經制專防江北一帶水汛

屬操撫標下康熙元年改設叅將歸併總督十
一年裁去留左軍守備為瓜洲城守今循其制
守備一員千總一員把總二員馬戰兵三十六
名步戰兵七十四名守兵二百七十二名戰馬
三十六匹官自備馬一十匹唬船八隻

狼山總兵府 順治初年原設副將十八年改
今制統轄通州如臯併海門歸併地方鎮守江
北狼山總兵官一員中營遊擊一員中軍守備
一員千總六員把總十二員馬戰兵五百六十

九名步戰兵三百五十三名守兵一千六百七十二名戰馬五百六十九匹官自備馬六十六匹沙唬船一十六隻

揚州營 駐劄江都縣順治三年經制遊擊一員中軍守備一員千總二員把總三員馬戰兵四十九名步戰兵九十四名守兵三百二十一名戰馬四十九匹官自備馬二十匹

泰州營 駐劄泰州兼轄泰興掘港二營前明有海防兵備道駐劄本城舊設標忠二營守備

皇清順治二年奉裁止留道標中軍守備一員十三年海氛告警移撫院駐鎮有左右二營遊擊守備二員康熙元年奉撤撫標並裁道標改留專城守備十一年改設今制遊擊一員中軍守備一員千總一員把總二員馬戰兵二十七名步戰兵七十八名守兵二百四十八名戰馬二十七匹官自備馬一十六匹

泰興營 汛防泰興兼管轄如臯一帶地方順治初年經制周橋末生二營各設守備一員十

八年將二營歸併守備一員把總二員馬戰兵一十三名步戰兵五十七名守兵一百八十名戰馬一十三匹官自備馬八匹

掘港營 順治三年設立守備一員把總二員馬戰兵一十三名步戰兵五十七名守兵一百八十名戰馬一十三匹官自備馬八匹

江防海防 揚州居江北最為衝險要口商船漕艘往來之路南對鎮江之金山古稱長江之門戶南北之要津揚屬上自儀真縣所轄東溝

墩馬路沿江起至何家港止共墩臺十六座木樓二座汛地八十里俱係奇兵營撥兵防守下接江都縣所轄沿江汛地

江都縣所轄花園港墩馬路沿江起至朱團窩墩止共墩臺二十座木樓三座汛地九十里俱係京口右路左營撥兵防守下接泰興縣所轄沿江汛地萬壽司地方

黃墩港 長命港 沙河港

小太史港 大太史港 八港

梁家港 梁孟港 孫家港

徐家壩 繆家嘴 三江營

唐家港 嘶馬 朱團窩

徐墩 係泰興接界俱設有橋墩烟籠營房

泰興營 舊係周家橋末生洲二營合兵四百

名歸併守備統領因江洲汛險兵單移駐泰興

縣城內設泰興營署防守城池沿江各汛於康

熙十一年俱歸鎮江水師營撥守其馬橋亦鎮

江水師撥兵防守所轄復原洲墩馬路沿江起

至界河墩止共墩臺十六座木樓一座汛地七

十五里俱係京口右路左營撥兵防守下接常

州府所屬靖江縣下接如臯縣沿江汛地

如臯縣所轄百姓圩墩馬路沿江起至宋家圩

墩止共墩臺十四座木樓五座沿江地四十八

里俱係京口左路右營撥兵防守下接通州沿

江沿海汛地

通州當江海之交為第一門戶其間洲渚港汊

叢雜又當魚鹽諸奸挾興販為厚利伺隙劫掠

出沒不常故狼山尤屬要害明制本守禦千戶所自嘉靖初倭寇分掠通海沿海增置營戍而通州設叅將未幾改副總兵

皇清順治間仍設副總兵一員順治十六年海波不靖大艦數百突至狼山直逼省會於是狼山改設正總兵立三大營其中營左營分防通州新舊二城自任家港起至大演墩港止係江汛其右營官兵移駐海門縣分守迤東一帶墩汛并大河營所遺汛地康熙十二年海門城垣衝破

形勢迥別將右營遊守撤回通州千把總官仍防海門東汛一帶其大河營調防贛榆卽于右營派撥防護所轄阮家圩墩馬路沿江沿海起至宣家壩墩止共墩臺五十九座木樓三座汛地三百二十二里自阮家圩墩起至任蘆港墩止係京口左路右營撥兵防守自任家港墩起至大演港墩止係狼山左營撥兵防守下接如
阜縣沿海汛

泰州營 原設守禦千戶所屬徐州兵備道管

轄後因倭警添設海防兵備道駐劄本州有忠義忠勇二營中軍

皇清初改設守備屬海防道康熙年間改屬通州狼山總鎮十一年添設遊擊一員仍屬狼山營所轄頭總墩馬路沿海起至茅花墩止共墩臺二十三座汎地一百五十一里自頭總墩起至丁美舍墩止係掘港營撥兵防守下接淮安海防汎地

以上自儀真縣東港墩起至泰州茅花墩止沿

江沿海共計馬路八百七十一里下接淮安海防汎地

江防海防附

維揚古稱澤國南面江東濱海浩渺之區鯨鯢是宅形勝之地蛇豕所窺自晉南渡謝元鎮廣陵統北府兵以揚州爲江左外郭稱重鎮其後吳南唐竊據皆恃江爲險宋南渡後以揚爲邊鎮明高祖都金陵揚又爲畿輔近郡置淮海翼元帥府時張士誠餘黨悉航海附倭數引倭寇

入內地騷擾郡縣始由山東淮北轉掠浙閩諸郡遣使詔諭不止于是築海上備倭城置戍兵而如臯掘港始設備倭軍營堡斥堠與通泰諸所並列矣揚子江上自九江下至通州海門數千里江南北遠者數十里近亦十餘里中隔洲渚港汊叢雜諸奸宄亡命竄伏其中伺間為劫商旅船多被劫掠甚則賊殺公吏不顧在揚州境者黃天蕩孟瀆河其要害也海濱故饒魚鹽群不逞之徒規私販利厚輒張高桅巨舶出沒

怒濤駭浪中什伯相聚恣往來而誰何永樂中以根本重地于近海設水操軍以萬計都御史督之自九江抵蘇松通泰凡地方緩急寇盜鹽徒為患聽其調兵擒捕蓋督臣兼綜江海諸務事權為至重也正德中薊盜劉六劉七寇齊魯間轉掠河南襄陽遂率眾東下泊狼山欲自通泰登岸時通州城危急甚夜半海颶大作賊舟覆溺多死者遂乘勢盡殲之其後倭貢使相挺起變而大猾汪直毛海峯等橫行海上為亂犯

如臯通州猝薄揚州被殺及溺死者數千人盡
燒燬鹽堆而去五六年間海濱焚蕩千里蕭然
自是沿海益增置營戍設將總領通州掘港大
河周橋揚州儀真及三江口瓜洲諸兵將自江
達海分汎地列戰艦而倭始寂然不復窺伺矣
皇清定鼎以來海上餘孽屢入重地己亥歲六月乘
潮突犯內江南掠京口北破瓜洲儀真未幾大
創而去更爲善後計是年冬
特命少保楊捷以總兵鎮揚州尋移捷山東又

命塞白理代之一時壁壘精嚴江南北倚爲長城繼
以京口設重鎮裁撤揚州軍而沿江一帶墩堡
錯置與南軍互爲犄角綢繆具無遺策自是海
不揚波焉

通州狼山大鎮 明設四寨曰大河口曰斜角
嘴曰徐稍港曰石港分十營曰壯捷曰壯武曰
鎮遠曰旌忠曰濟武曰登庸曰平定曰忠節曰
興義曰威武散在城之各隅以副總兵提督狼
山等處與海防道相策應統轄狼山掘港周橋

大河守把等官舊設水陸兵丁八千餘人

皇清戡亂底定酌用舊制額設副總兵一員守備一員把總六員兵一千二百名烽堠無警兵民相調越數歲海氛不靖大艦數百突至狼山溯江而上直逼省下于是狼山復改爲總鎮增立三營添兵三千人其大河營調防贛榆而于右營派撥防護由是瀕江相望南北上下千百里奠安如磐石永固如金湯而前此守禦之官軍僅充旗甲供起運領以千總官士弁皆置不用

大河營

在海門縣境內初無城堡明倭難後

巡鹽御史崔棟題築正場及蘆便倉二堡東西相望嘉靖間設大河把總一員領兵一千名萬曆裁汰

皇清設守備一員兵二百名防守

通州所轄阮家圩墩馬路沿江沿海起至宣家壩墩止共墩臺五十九座木樓三座汛地三百二十二里自阮家圩墩起至任蘆港墩止係京口左路右營撥兵防守上接如臯縣沿海汛地

如臯掘江營 在掘港場東迄海洋五十里為倭寇登陸首要明初設指揮千戶防禦嘉靖間倭大入巡撫鄭曉改設把總末年巡撫李遂復奏改守備統東西二營

皇清仍設守備兵三百名防守與狼山接應

如臯縣所轄百姓圩墩馬路沿江起至宋家圩墩止共墩臺十四座木樓五座汛地四十八里俱係京口左路右營撥兵防守下接通州沿海汛地

泰興營 舊設周橋末生洲二把總周橋明時歲撥泰州兵快一百名與本鎮民兵一百名防守後因倭警設守備一員把總一員領兵四百名移駐王家港以衙署江坍復駐馬橋崇禎間改為守備府

皇清仍設守備一員經制把總二員節裁存兵二百名末生洲明萬曆間因江海寇盜出沒不時知府郭光復議以末生洲置遊兵把總一員統水軍千名南北策應既合江南北各兵五百名裁

鎮江叅將併為永生洲叅將今分為永生南北
兩營營設守備一員經制把總二員節裁存兵
二百名副併周橋永生為泰興營守備官一員
把總二員轄兵四百名移駐泰興城內康熙五
年裁汰實存兵二百五十九名各汛增置煙墩
砲臺以資守禦焉

泰興縣所轄復原洲墩馬路沿江起至界河墩
止共墩臺十六座木樓一座汛地七十五里俱
係京口右路左營撥兵防守下接常州府所屬

靖江縣馬路無從開列內設烟墩十六座下接
如臯縣沿江汛地

揚州營 明初設守城坐營指揮一員操習馬
步軍其教場在小東門外嘉靖間倭警增築新
城遂隸城內于教場西南置署後改設遊擊一
員守備一員

皇清順治十五年改建於教場之東領營兵六百名
屬狼山總兵管轄康熙十一年又改建署於教
場西仍舊址也

瓜洲營 舊設水營官兵四百八十六名巡江軍舍八十名陸營官兵一百九十五名戰巡船三十一隻墩臺六座晝夜瞭望西接儀真東接三江口四面險要隨地防守

皇清設叅將一員守備二員領兵二千名海警之後隸京口分鎮戰艦烽墩修葺益整領探尤密爲扼江要鎮焉

江都所轄瓜洲司地方自儀真交界埭江起至沙港茅家港花園港蔣八港倒流港朱銘港草

龍港楊家港萬壽司地方黃墩港長命港沙河港小史家港大史家港梁孟港孫基港內設烟墩五十八座木樓二座下接泰興縣沿江汛地儀真衛 明初以地當水陸要衝建統帥以臨轄軍衛或以都督或以都指揮宣德間裁去弘治間改設守備舊額兵六百六十八名隸操江皇清初屬操撫委署其指揮千百戶等官尙沿舊制後以江防要害守汛宜嚴乃于江口創操江公署設射哨樓四年定儀真營守備一員千總一

員把總二員哨官二員戰兵四百名戰船四十隻營房九處墩臺十座始罷指揮千百戶等官以部推守備統之己亥海寇之後分隸奇兵營設遊擊坐鎮其屯衛則守備一千總二專領舊丁事漕運焉

儀真縣所轄揚子江北岸自六合交界起至東溝上江口紅草灘一戢港王家溝青山墩涼山嘴白茅墩東清下江口舊江西墩舊江東墩馬港何家港內設烟墩十三座入江都縣汛地

泰州營 原設忠孝忠義兩營中軍二員統兵八百九十四名明嘉靖間因倭寇告警設海防兵備道駐防泰州二營屬焉

皇清改設守備一員兵一百名仍歸海防道既以文武分職不相轄改守備為泰州營屬狼山總兵十一年添設遊擊一員兵千名仍屬狼山營故明舊有指揮僉事千百戶鎮撫之屬悉除不復設矣

泰州所轄頭總墩馬路沿海起至茅花墩止共

墩臺二十三座汛地一百五十一里自頭總墩起至丁美舍墩止係掘港營撥兵防守自太平墩起至茅花墩止係鹽城營撥兵防守內設烟墩二十一座木樓一座下接淮安海防汛地以上自儀真縣東溝墩起至泰州茅花墩止沿江沿海馬路八百七十一里下接淮安海防汛地

